

"মিষ্টি বাচ্চারা - এখন বেহদের এই পুরনো দুনিয়ার বিনাশ হবে , নতুন দুনিয়ার স্থাপনা হচ্ছে ,
অতএব নতুন দুনিয়ায় যাওয়ার জন্য পবিত্র হয়ে নাও । "

প্রশ্ন :- পরমাত্মার সম্পর্কে তোমরা কোন্ আশ্চর্যজনক কথা জানো যা সাধারণ মানুষের বোধগম্য নয় ?

উত্তর :- তোমরা জানো যে আত্মা হলো জ্যোতির্বিন্দু । তেমনই পরমাত্মাও হলেন অতি সূক্ষ্ম জ্যোতির্বিন্দু । এই অভূতপূর্ব বিষয় মানুষের বোধগম্যের বাইরে । অনেক বাচ্চারা তালগোল পাকিয়ে ফেলে । বাবা বলেন , বাচ্চারা বিভ্রান্ত হয়ে না । যদি সূক্ষ্ম রূপে স্মরণ না থাকে, তাহলে বৃহৎ রূপে স্মরণ করো । কিন্তু স্মরণ অবশ্যই করো ।

গীত:----(রাত্রির পথিক ক্লান্ত হয়োনা) রাত কা রাহি থক মত জানা..

ওম্ শান্তি । রুহানি বাচ্চাদের রুহানি বাবা সামনে বসে বোঝাচ্ছেন । তাই বাচ্চাদেরও আত্ম-অভিমানী হয়ে বসতে হবে । এইরকম আর কোনও জায়গায় বোঝানো হয়না । কোনও সাধু-সন্ত এইভাবে বোঝাবে না আত্ম-অভিমানী হয়ে বসতে । এই কথা একমাত্র বাবাই বোঝান আর কেউই এরকম বলতে আসবেনা । এই যুক্তি অন্য কেউ বলতে পারেনা । তোমরা বাচ্চারাও বুঝতে পারো আমরা হলাম আত্মা । আত্মাই এক শরীর ছেড়ে আর এক শরীরে প্রবেশ করে । কখনো ডাক্তার, কখনো ব্যারিস্টার হয় । আত্মা এখন পতিত হয়েছে , আবার পবিত্র হবে । আত্মাতেই জ্ঞানের ধারণা থাকে । বাবা নিরাকার , জ্ঞানের সাগর যখন , তো উঁনি এসে নিশ্চয়ই আমাদের জ্ঞানই শোনাবেনা তিনি পতিত পাবন , সুতরাং তিনি এসে নিশ্চয়ই পবিত্র বানাবেন । উঁনি হলেন সর্বোচ্চ , পরমপিতা পরমাত্মা । "আমি তোমাদের বাবা, সর্বোচ্চ, জ্ঞান দীপ্ত । আমার নিজস্ব শরীর নেই ।" এই সব জ্ঞান তোমাদের আত্মা ধারণ করে, তাই তোমাদের আত্ম-অভিমানী হতে হবে । দেহ অভিমান যেন না হয় । এমন কোনও অবকাশ যেন না থাকে , যেখানে , যে শ্রীমত শোনাবে আর যে শুনবে তাদের উভয়েরই দেহ-অভিমান আছে । বাবা তো নিরাকার । তিনি এসে তোমাদের রাজযোগ শেখান । আর বাকি সব মনুষ্য দেহ অভিমানী হয়ে আছে । যদিও লক্ষী- নারায়ণ সম্বন্ধে বলবে , এঁরা আত্ম - অভিমানী ছিলেন ; তবুও সত্য -ত্রৈলোক্য পরে দ্বাপর-এর শুরু থেকে ধীরে ধীরে দেহ-অভিমান তো আসতে থাকেই । এই জ্ঞান পরমপিতা পরমাত্মা নিজে এসে দেন এবং তা আত্মাকে ধারণ করতে হয় । আত্মাকেই পতিত থেকে পবিত্র হবার উপায় বলেন । এখন সারা দুনিয়া অধঃপতিত , তাই বাবা আবার উত্তীর্ণ করতে আসেন । এই সবকিছু তোমরা বাচ্চারা জানো । অধঃপতন অর্থাৎ বিনাশ আর উত্থান অর্থাৎ নির্মাণ । স্থাপনা আর বিনাশ । স্থাপনা কিসের? নতুন দুনিয়া , স্বর্গের স্থাপনা । আর পুরনো দুনিয়া হেল, নরকের বিনাশ । ডিসট্রাকসন আর কনসট্রাকসন । একদিকে বিনাশ আর একদিকে নির্মাণ । কলিযুগ হলো পুরনো দুনিয়া, এর বিনাশ অবশ্যই হবে । বিনাশের লক্ষণ...এই বিধ্বংসী মহাভারতের লড়াই । মহাভারতের বৃত্তান্ত মহাভারত শাস্ত্রে বর্ণনা করা হয়েছে । বাবা, ব্রহ্মার দ্বারা স্থাপনা করেন, তাহলে সেটা তো নিশ্চয়ই নতুন

দুনিয়াই স্থাপন করবেন ! এটাই হলো বেহদের বিনাশ আর বেহদের স্থাপনা । একদিকে শেষ তো আরেকদিকের শুরু । বাবাই নতুন ঘর বানাবেন - বাচ্চাদের জন্য । তখন পুরোনো দুনিয়া নিশ্চয়ই বিনাশ করাবেন । তোমরা বুঝতে পারছো - বাবা এখন নতুন দুনিয়া স্থাপনা করছেন । তোমোপ্রধান থেকে সতোপ্রধান তৈরী করার জন্য জ্ঞান-রত্নে আমাদেরকে সাজিয়ে তুলছেন । মহাভারতের যুদ্ধ বিনাশের জন্য প্রসিদ্ধ । বলা হয় , এখন সেই সময় । সেই স্টার অর্থাৎ সেই আত্মারা ফিরে এসে নিজেরা একত্রিত হয়েছে যারা মহাভারতের যুদ্ধের সময় ছিল , এই সিঁড়িতে ও লেখা হয়েছে, ভারতের উত্থান আর পতনের অদ্ভুত কাহিনী । এই লাইনে কল্প কল্প শব্দও যুক্ত হওয়া উচিত । শুরু থেকে অন্ত অবধি মানুষ ৮৪ জন্ম গ্রহণ করে । এই সব তোমাদের বুদ্ধিতে আছে । মানবের বুদ্ধিতে একদম গোদরেজের তালা লাগানো আছে অর্থাৎ বুদ্ধি পাথরের মতো নিশ্চল । এই সব কথা মনুষ্যগণের জানতে হবে । আত্মারা এখানে আসে শরীর ধারণ করে অভিনয় করতে । সুতরাং বিশ্ব- নাটকের আদি -মধ্য- অন্তের রচয়িতা , পরিচালক , মুখ্য অভিনেতা ইত্যাদির কথা জানা উচিত । এখন তোমরা নাটকের আদি - মধ্য- অন্ত, কে, কি কেন, নাটকের সব অংশ জেনেছ - শুরু থেকে শেষ পর্যন্ত । বাবার দ্বারা আমরা এই সব জ্ঞান প্রাপ্ত করছি । সৃষ্টি চক্র কেমন করে আবর্তিত হয় । একেই বলা হয় রুহানি জ্ঞান অর্থাৎ ঈশ্বরীয় জ্ঞান । দেহ-সম্বন্ধিত জ্ঞানকে দার্শনিক জ্ঞান বলা হয় । আধ্যাত্মিক অর্থাৎ আত্মা সম্বন্ধীয় সকল বিষয়ের জ্ঞান । এখন এই সব কথা বাচ্চাদের বুদ্ধিতে ভরে দেওয়া হয়েছে । বাচ্চারা জেনেছে , এখন ৮৪ জন্মের নাটক সম্পূর্ণ হয়ে আসছে । এখন আমরা ফিরে যাব, কিন্তু যারা পতিত তারা ফিরে যেতে পারবে না । এত জপ, তপস্যা, তীর্থ ইত্যাদি করে তো পতিতই থেকে যাচ্ছে । পবিত্র হবার জন্য গঙ্গা স্নান করছে , কিন্তু এই সব করে পবিত্র হওয়া যায় না । তাই ফেরতও কেউ যেতে পারছে না । গল্প খুব করে , অমুক জন ইহ সংসার পার করে নির্বানধাম গেছে, জ্যোতিতে জ্যোতি সমাহিত হয়েছে । বাবা বুঝিয়েছেন , এভাবে কেউ ফেরত যেতে পারে না । সব অভিনেতা (আত্মা) এখানেই আছে । বিশ্ব নাটক এখন প্রায় সম্পূর্ণ , সেইজন্য সকল অ্যাক্টর অর্থাৎ সকল আত্মারা বিশ্ব রঙ্গমঞ্চে উপস্থিত হচ্ছে । এখন সকলেই উপস্থিত হয়েছে । মানুষ জানে না যে, বুদ্ধ আর ক্রাইস্ট এঁরা সব কোথায় আছে! তোমরা যে সকল আত্মারা উপর থেকে এখানে এসেছ, তারা সকলেই এই সময় তোমোপ্রধান হয়ে গেছ । আবারও তোমোপ্রধান থেকে সতোপ্রধান হবে যেরকম পূর্ব কল্পেও হয়েছিলে । বাবাই এসে স্থাপনা, বিনাশ করান । বলা হয়, এই জ্ঞান রাজারও রাজা বানিয়ে দেয় । ইঁনি , বেহদ-এর বাবা বলেন , আমি তোমাদের রাজার রাজা তৈরী করি । কৃষ্ণ তো স্থাপনা করান না । রচয়িতা , বাবা । বাবাই এসে বুঝিয়ে দেন যে, তোমরা আমাকে তখনই ডাকো যখন সৃষ্টি পতিত হয় । এমনও নয় , আমি নিজে নতুন সৃষ্টির রচনা করি । যেমন দেখানো হয় প্রলয় হচ্ছে এ তো সবই ভুল । মনুষ্য যখন ডাকে , হে পতিত পাবন এসো , তখন তো নিশ্চয়ই পতিত দুনিয়াতেই আসতে হবে ! বাবা এসে কৃষ্ণপূরীর সাক্ষাৎকার করান । বলা হয় কৃষ্ণ অশ্বথ পাতায় করে সাগরে ভেসে এসেছিলেন... এটাই ঠিক কথা । নতুন দুনিয়ায় সর্বপ্রথম কৃষ্ণই আসেন । সাগরে ভেসে নয় , কিন্তু উনি গর্ভ মহলে আসেন । আঙুল চুষতে চুষতে খুব আরামে গর্ভ মহলে বিরাজ করেন । সত্য যুগে সকল বাচ্চা জন্ম নেওয়ার আগে পর্যন্ত গর্ভ মহলে থাকে । ওরা আবার গর্ভ মহলের বিষয়কে সাগরে ভাসতে থাকা পাতার ওপরে কৃষ্ণ -এইভাবে দেখিয়েছে । এই সব ভক্তি মার্গের কথা । বাবা এই সব শাস্ত্রের সার কথা আমাদেরকে বোঝান । যখন গর্ভ রূপ কমেদখানা তে থাকে তখন সবাই বলে , আমাদের বাইরে বার কর , আর পাপ করব না । কিন্তু রাবণের দুনিয়ায় তো পাপ হতেই থাকে । তারা আবারও পাপ কাজ করতে থাকে । তোমরা তো অর্ধকল্প জেলঘুঘু হয়ে থাকো । চোরেদের ঘুঘু বলা হয় । বাইরে বেরিয়ে

আবার চুরি করতে থাকে আর জেলে বন্দি হয়। তাই জেলঘুঘু বলা হয়। বাবা বুঝিয়েছেন এইটা রাবণ রাজ্য। ওখানে এই সব কথা হয়ই না। সেটা তো হয়ই রামরাজ্য। সেখানে না তো গর্ভ জেল হয়, আর না তো চোরের জেল হয়। এখানে তো কত মানুষ জেলে বন্দি থাকে। গর্ভ জেলও আছে আর চোরদের জেলও আছে। একাধিক জেল। কলিযুগের অন্তিম সময় চলছে! বাবা বলছেন, তোমরা বাচ্চারা এখন নির্মাণ কার্য (construction) করছ। উত্থান আর পতন, প্রত্যেক কল্পে এই ধারা অব্যাহত রয়েছে। উত্থান আর পতন দুনিয়ার নিয়ম। এতে মুখ্য পার্ট ভারতের। গানও আছে আত্মা আর পরমাত্মা বিচ্ছিন্ন হয়ে আছে অনেক কাল....এই অনেককালেরও তো হিসাব আছে, তাই না! কোন কোন আত্মারা বহুকাল ধরে বিচ্ছিন্ন হয়ে আছে। প্রথম-প্রথম দেবী দেবতা ধর্মের আত্মারা আসে নিজেদের পার্ট প্লে করতে। এখন আর সেই দেবতারা নেই, যাঁরা রাজস্ব করে গেছেন। ওনাদের চিহ্নস্বরূপ চিত্র রয়ে গেছে। রাজস্বকাল সমাপ্ত হয়েছে। স্বর্গরাজ্যের সমাপ্তিতে নরকের দুনিয়ার শুরু আবার নরক-দুনিয়ার বিনাশ হলে স্বর্গের সূচনা। সুতরাং, এইভাবে একদিকে নতুন দুনিয়ার সৃষ্টি আর অপরদিকে নরকের বিনাশ হতে থাকে। নির্মাণ কার্যের জন্য বাচ্চাদের সহযোগিতার প্রয়োজন, সেখানে থাকবেও তো তোমরা। প্রথমে তোমাদের দৈবীগুণ সম্পন্ন দেবতা হতে হবে। গায়নও আছে - মানুষ থেকে দেবতা..এখানে কালিমায়ুক্ত অপবিত্র মানুষেরই অবস্থান। ভগবানুবাচ - গৃহস্থ ব্যবহারে থেকে কমল সমান হতে হবে। এই মৃত্যুলোকে এইটাই অন্তিম জন্ম, আমাদের এখানেই পবিত্র হতে হবে। এটা যথার্থরূপে বুঝতে হবে। আমরা এই মৃত্যুলোকের অন্তিম জন্মে পবিত্র হয়ে থাকি। বাবা বলছেন, সমস্ত বিকারকে জয় করতে পারলে তোমরা এই বিশ্বের মালিক হতে পারবে। বাচ্চারা এই কথা শুনে অন্যদেরও বোঝায় যে এই পুরোনো দুনিয়ার বিনাশ একেবারে সামনে উপস্থিত। এই সেই মহাভারতের যুদ্ধ! কাম হ'ল মহাশত্রু, এই জন্য তোমরা প্রতিজ্ঞা করো পবিত্র থাকার। এখন তোমরা বুঝতে পারছ আমরা পবিত্র হয়ে উঠছি। কিন্তু এই পুরোনো দুনিয়ার বিনাশ তো অবশ্যই হবে, তাই তার আগে পবিত্রও অবশ্যই হতে হবে। রক্তক্ষয়ী বিনাশে এই দুনিয়া বিপর্যস্ত হয়ে পড়বে - হাহাকার পড়ে যাবে, মৃত্যুও আসবে অতি কঠিনরূপে। তোমরা দেখতেও পারবে না। যখন কারোর অপারেশন হয় সেখানে দুর্বল লোকেরা থাকে না, নিজেদের সামলে রাখতে পারেনা। এইজন্য ডাক্তাররা পরিবারের সদস্যদের সেখানে থাকতে অনুমতি দেন না। বিনাশকালে চরম কাটাছেঁড়া চলবে। পরস্পর পরস্পরকে মারতে থাকবে। এটা হচ্ছে কলুষিত দুনিয়া, কাঁটায় ভরা জঙ্গল। সত্য যুগকে বলা হয় গার্ডেন অফ ক্লাওয়ার্স, ফুলের বাগান। দেবতারা হলেন সজীব পুষ্প অর্থাৎ সর্বগুণসম্পন্ন। মানুষ ভাবে স্বর্গোদ্যান (বহিঃত) কোনো ফুলের বাগান, যা শুনেছে তাই বলছে। গার্ডেন অফ আল্লাহ বলা হলে, তখন ধ্যানেও গার্ডেন দেখা যাবে, দেখা যাবে আল্লাহ এসে হাতে ফুল দিচ্ছেন। বুদ্ধিতে ঈশ্বরীয় বাগানের ধারণা আছে। ভক্তি মার্গে ঈশ্বর সাক্ষাৎকারের জন্য ভক্তি করা হয়। সাক্ষাৎকার হলেই বলবে তিনি সর্বব্যাপী। যা অতীতে হয়েছে, তা আবারও হবে। বাচ্চারা যেমন পোশাকে অর্থাৎ যেমন শরীরে, যেভাবে এসেছে, ঠিক একই ভাবে, একই পোশাকে আবার কল্প পরেও আসবে। বিশ্বের এই ড্রামা প্ল্যান কেউ কেউ যথার্থভাবে বুঝতে পারে, বাবার কাছে কেউ এলে, বাবা জিজ্ঞেস করেন, তুমি এর আগে কবে এসেছ? তখন বলে - হ্যাঁ বাবা, আপনার সাথে পূর্ব কল্পেও মিলিত হয়েছিলাম, আপনার থেকে রাজ্যভার গ্রহণ করতে। বাবা জিজ্ঞেস করেন, কোন পদাধিকার প্রাপ্ত করেছিলে? বাবা, মশ্শা বলছেন যখন, তো নিশ্চয়ই ওনাদের ঘরাণাতেই এসেছিলাম। বাবা বলেন, এমন পুরুষার্থ করো যাতে উচ্চ পদ পেতে পারো। এই সকল বিষয় তোমাদের বুদ্ধিতে আছে। বরাবর লড়াইও হবে আর নরকের বিনাশও অবশ্যই হবে। তোমাদের কাছে অতি উত্তম চিত্র আছে। কৃষ্ণের হাতে স্বর্গ-গোলক

এবং পায়ের দিকে নরকের গোলক-এর যে ছবি আছে তাই ছাপানো উচিত , এতে সব কিছু পরিষ্কার ভাবে বলা আছে । স্বর্গের দ্বার খুলবে , আর নরকের দ্বারে পদাঘাত। তোমাদেরও মুখ স্বর্গের দিকে, এটা তো একদম সঠিক কথা । যখন জানো ঘরে ফিরতে হবে তখন ঘরকেই স্মরণ করতে হবে । পুরনো দুনিয়া ভুলতে হবে, একে বলা হয় বেহদ- এর বৈরাগ্য । পুরোনো দুনিয়া ছেড়ে আমরা বাবার কাছে যাই । স্মরণের যাত্রাপথে চলতে চলতে ঘরে যেতে হবে । প্রধান কথা হচ্ছে স্মরণ । স্মরণ তো সবাই করে, তাই না ! এখন বাবা এসে বলছেন যথার্থ রূপে চিনে আমায় স্মরণ করো । এটাই হলো অব্যাভিচারী স্মরণ অর্থাৎ নিয়মনিষ্ঠা সহ স্মরণ। তোমরা জানো যে শিববাবা বিন্দু সমান , আত্মা নিজেকে বিন্দু ভাবে , আর বাবাকেও বিন্দু ভাবে । নতুন কোনও কিছু শুনে আবার সব ভুলে যায় । নিজেকে আত্মা নিশ্চয় করে বাবাকে আর নিজের ঘরকে স্মরণ করো । আত্মা, বিন্দুকে ছোটো মনে হয়, কিন্তু ঘর তো বড় , তাহলে ঘরকেই স্মরণ করো। বাবাও ওখানে থাকেন । আমি (ব্রহ্মাবাবা) , তুমি , ওখানে যাব যেখানে বাবা থাকেন । বিন্দু স্মরণে থাকে না, তাই না ! আত্মা ঘরের কথা তো স্মরণ হয় , সেটাই হলো শান্তিধাম, আরেকটা হলো সুখধাম। এখানে হলো দুঃখধাম । এখন তুমি শ্রেষ্ঠ পুরুষার্থ করার পড়া করছ , তার পর সুখধামে পৌঁছে যাবে । বাবার সন্তান যখন, তখন নিশ্চয়ই স্বর্গের ঐশ্বর্যের অধিকারী । কল্প পূর্বেও শিববাবা এসেছিলেন, আর স্বর্গের বাদশাহী দিয়েছিলেন । তোমরা ভুলে গেছ। বাবা বলছেন - এখন আবার এসেছি, তোমাদের দিতে । তোমরা কত কতবার সাম্রাজ্য নিয়েছ আর কতবার হারিয়ে ফেলেছ । অগণিত বার বর্সা (অধিকার) নিয়েছ , তবুও এই রকম বাবাকে ভুলে যাও কি করে ! মায়ার তৈরী কঠিন সমস্যার পাহাড়কে পার করে যেতে হয় , এইজন্য নাটকেও দেখায় - মায়া ওদিকে টানে, প্রভু এদিকে টানেন । জ্ঞানে বিঘ্ন ঘটে না, বিঘ্ন ঘটে স্মরণে, এটাতেই পরিশ্রম করতে হয় । এখন বাবা বলছেন- মহারথী হও । এই পুরোনো দুনিয়ায় আগুন তো লাগবেই । এই যজ্ঞে পুরনো দুনিয়া স্বাহা হবেই সূত্রাং মহাবীরও হতে হবে । তোমাদের বাচ্চাদের অখন্ড, অটল, অটুট রাজ্য পেতে হবে । তোমাদের বুদ্ধিযোগ বাবার সাথে এমনভাবে জুড়ে রাখতে হবে, যতই সমস্যাস্কুল পরিস্থিতি আসুক , মায়া কিছু করতে পারবে না । এটা হলো তোমাদের পরবর্তী সময়ের , বিনাশকালের স্থিতিাবস্থা - যখন ট্রান্সফার হ'তে হয় , যেমন স্কুলে পুরনো ক্লাস ছেড়ে নতুন ক্লাস -এ যাওয়ার পরীক্ষা বছরের শেষে হয় । তোমাদের মালাও পরে তৈরি হবে । তোমাদের অনেক সাক্ষাৎকার হবে - অমুক এখানে হবে, অমুকে এই হবে। এ দাসী হবে ... এই সব বলা হবে। কিন্তু পরে আর কিছুই করার থাকেনা , অনুতাপ হয় । এটা আমি কি করলাম ! শ্রীমত কেন অনুসরণ করিনি । কিন্তু সেই সময় আর কিছুই করার থাকে না । এরকম অনেকে আফসোস করে । মানুষ কোনও একজনকে খুন করে পরে আফসোস করে । কিন্তু খুন তো হয়েই গেছে আর তো কিছু করা যাবে না, এই জন্য বাবা বলেন, গাফিলতি কোরো না , নিজস্ব পুরুষার্থ করতে থাকো ।

আত্মা -মিষ্টি মিষ্টি সিকীলধে(হারানিধি) বাচ্চাদের প্রতি বাপদাদার স্নেহ সুমন আর সুপ্রভাত ।
 রুহানি বাবার রুহানি বাচ্চাদের নমস্কার ।

ধারণার জন্য মুখ্য সার :-

১) ৮৪ জন্মের নাটক এখন সম্পূর্ণ হচ্ছে , ঘরে ফিরতে হবে, এই জন্য আত্ম - অভিমানী থেকে পবিত্র হতে হবে । দেহ অভিমান মুছে ফেলতে হবে ।

২) সঠিকভাবে নিজেকে আত্মা , বিন্দুস্বরূপ নিশ্চয় করে , বিন্দু রূপ বাবার সাথে অব্যাভিচারী স্মরণে থাকতে হবে । মহাবীর হয়ে নিজের অবস্থা অচল, অটল, বানাতে হবে ।

বরদান :- সর্বদা জ্ঞান সূর্যের সম্মুখে থাকা অন্তর্মুখী, স্বমানধারী ভব(হও)

যেমন সূর্যের সম্মুখে থাকলে তার থেকে সূর্যরশ্মি অবশ্যই আমাদের কাছে আসে , তেমনই বাচ্চারা যখন জ্ঞান সূর্য বাবার সম্মুখে সর্বদা থাকে, সেই জ্ঞান সূর্যের সর্বগুণ সম্পন্ন রশ্মি (কিরণ) নিজের মধ্যে অনুভব করতে পারে । তাদের চেহারা অস্তর্মুখীতার ঝলক আর সঙ্গম যুগের বা ভবিষ্যতের সর্ব স্বমান এর ফলক দেখতে পাওয়া যায় । এর জন্য সর্বদা স্মরণে যেন থাকে যে এইটা অস্তিম মূর্ত্ত ।যে কোনো মূর্ত্তে এই দেহের বিনাশ হতে পারে, এই জন্য সর্বদা প্রীত- বুদ্ধি সম্পন্ন হয়ে, জ্ঞান সূর্যের সম্মুখে থেকে অন্তর্মুখীতা এবং স্বমান এর অনুভূতিতে থাকতে হবে ।

স্লোগান :- সর্বদা উড়ন্ত কলায় উড়ে সমস্যাসঙ্কুল পাহাড় কে অনায়াসে অতিক্রম করতে হবে।